

JUNIOR SECONDARY CERTIFICATE

RUKWANGALI FIRST LANGUAGE

1108/1

PAPER 1 Reading and Directed Writing

2 hours

Marks 60

2017

Additional Materials: Answer Book

INSTRUCTIONS AND INFORMATION TO CANDIDATES

- Write your answers in the Answer Book provided.
- Write your Candidate Number and Name in the spaces on the Answer Book.
- Write in dark blue or black pen.
- Do not use correction fluid.

- Answer **all** questions.

- Pay attention to spelling, punctuation and sentence structure.
- The number of marks is given in brackets [] at the end of each question or part question.

MAVYUKISO NOMAPUKURURO KOVARONGWA

- Tjanga malimburo goge moBukelimbwiliro vana ku pe.
- Tjanga Nomora zoge zoUkandidate nEdina lyoge momavega goBukelimbwiliro.
- Tjangesa pena zouneguru ndi zonsovagani.
- Wa ha ruganesa yikwamema yokudongwenesa.

- Limburura mapuro **nagenye**.

- Pakera mbili esipero, yidivisoereseso netungontanto.
- Sivaro soyitwa kuna si gava moyikondekeli [] kehagero lyankenye epuro ndi koruha rwepuro.

This document consists of **6** printed pages.



Republic of Namibia

MINISTRY OF EDUCATION, ARTS AND CULTURE

RUHA A

Resa sireswa oso konhi oka limburure mapuro ogo naga kwama ko.

Sireswa A**Uwa wokugenda nompadimpadi vanonagona**

Vakonentu vamwe ngesi kwa huguvara asi nonkaku (marudi gononkaku) nagenye ga fira ku ga hagekesa pounona, morwa kugenda nompadi- mpadi kwa kara nomauwa gomanzi. Mwa kara euro lyehuguvaro movakonentu asi kuwiza kononkanku dovanona, kwato nonkaku donongwa kovanona.

Pwa moneka usili asi kudwara nonkaku nounona-nona kuvhura kuzonagwisa ekuro lyomunona pokugenda. Apa a lirongo mukeke kugenda, age kuzerura mutwe gwendi gu vyukilire meguru nsene ta gendi nompadimpadi. Elizuvho ava gwana kevhu kusanseka asi kapisi hepero kutara pevhu, eyi ayi va ninkisa va nenganenge makura va gwe. Kugenda nompadimpadi kupameka nonyama noyisupa yokonompadi, kuvhukisa nonkondo dokoyisinsina, kuwapukurura ukalinawa wonompadi opo za kulyatera ntani kugweda ko eyukiliro lyorutu nawa.

Nsene vakondi va kara noudivi wounzi kuhamena ukaro wompadi zomunona, yimo nava vhura kurugana ko yoyinzi va kandane po maudigu ga hamena kudwara nonkaku nounonanona. Vakonakoni kwa geve mo–2007 va pukurure vantu asi mutungo nomalitjindjo goyirugana yompadi kuvhura kutundilira kemoneko lyorukaku, mpadi nazo zi fane omu rwa fana rukaku (nsene kudwara nonkaku da nunupa komeho, mpadi nazo tazi kuru kununupa komeho zazo). Eyi ya kara asi ngano kwa zi siga zi kure pwazene, ngano za fana moomu za fira kufana.

Mukeke apa ava mureta age simpe nompadi dendi kapi dina kara noyisupa yokukoka, makura sinzi sononkaku edi ava randesa moyitora kukara dokusipa nompadi, dokutjomonoka yisinsina edi ava tumbura asi nondjuke, nonkaku dangesi kuzonagwisa munona mpadi zendi zi kare noudigu apa na kura tayi mu digopere kugenda nye, ta gendi kundenga-ndenga.

Vanongononi kwa nongonona asi sinzi sovareti kuhorowera vana vawo nonkaku kukwama korupe omu adi moneka ndi omu va di rugana. Makura nye, navenye (wokofabrika novareti) va kare nositumbukira sokutakamesa nompadi dovanonagona. Vantu kumona tupu nonkaku da kara pandando zombiliha (fandisa) monorake domositora, di kare asi nondjuke dovakeke ndi dava wokukokava, makura tava gazara asi morwa kuna kara monorake dina fire kudidwara.

Vakonentu kwa nongonona asi kovakeke ava va kulironga kukokava, sirugana sononkaku di genyeke, kapisi di kandane kuremana. Pausili, kulironga kukokava simwe soudivi sa fira kusidiva paunene, nye udigu unene nsene kwa dwara nonkaku. Mokupira kukoneka unene-nene udivi wokukokava kutwaredera nye munona aka kare noudigu mokuresa nokutjanga mosure.

Nye kwa vamwe simpe kwa ku va pa sitangalimba ngwendi kuhamena elitjindjo eli lina kara pwantaantani kuhetakanesa nopwanare, ngwendi kuhamena pokuduka marumbasano goyidukagana, vantu ntaantani kuna kudukisa nonkaku, makura vamwe tava gazara asi ogu gapira kuyika kudwara nonkaku kapi taka vhura kudukisa nonkaku, nye usili asi nonkaku

dokudukisa kapi da lifana nedi dokugendesa, dokudukisa kukara sipeku-peku (ureru-reru). Yimo tupu hena vamwe kugazara asi siponga po, ngwendi nsene munona a genda nompadimpadi mositarata, ndi momavangodinguro, omu mwa kara pamwe yintau yomakende nayimwe yokuvhura kuremeka vanona. Nye pwayooyo vakonentu va pita po nare negano lyokupangera marudi gononkaku dokuzuvhika tupu ngwendi nompadimpadi ono kara, nye konhi kapi mu pite sitwa noureru.

Nonkaku edi da moneka kwava womakwedi 18 (makwedi aga ava tameke vanonagona kugenda) dogoro wo mvhura zimwe.

(The Namibian: Thursday, March 2015)

Sirugana 1

Limburura mapuro ogo gana kukwama ko **1 – 6**, tjanga tupu nomora ntani ndanda zelimbururo lyoge. Sihonene **1 D**.

- 1 Vantu musinke ava tumbura asi vakonentu?
 - A Vadiviyuma
 - B Vakonakoni
 - C Vareli
 - D Vasesugona [1]

- 2 Nonkaku musinke da wopera vakeke kudwara?
 - A Dokupata mompadi
 - B Dokupira kumanga
 - C Dokuzinza yisinsina
 - D Dosipekupeku [1]

- 3 Yisinke ayi horoka nsene munona a dwara nounona-nona nonkaku dokusipa mompadi?
 - A Kugenda kuyukisa mutwe
 - B Kukora yisupa
 - C Ku mu digopera kugenda
 - D Nga duka unene [1]

- 4 Vakonentu egano musinke va gwana pokurugana nonkaku dovanonagona?
 - A Kwa pangera dokutjomonoka koyisinsina
 - B Kwa pangera dosinsina sosire
 - C Kwa pangera doyipekupeku
 - D Kwa pangera nondjuke [1]

- 5 Udonu musinke umwe wa kara wokupira kudwara nonkaku munonagona?
 - A Kudukagana
 - B Kugenda noudigu
 - C Kumutwa makende
 - D Mpadi kukura mapuko [1]

- 6 Mulyo musinke gwa kara mononkaku kwava va kulironga kukokava, kukwama vakonentu?
- A Gava twa makende
 B Kudukisa ko
 C Kugenyeka nompadi
 D Kukokesa nompadi

[1]

[6]

Sirugana 2

- 7 Hetakanesa yininke yina kara momuzumo **B** yi lize neyi yina kara momuzumo **A**. Tjanga tupu nomora nondanda zelimbururo lyoge. Sihonena **A ii**

A		B	
(a)	Ndjuke	(i)	Ndando zombiliha
(b)	Nonkaku	(ii)	Vareli
(c)	Sipekupeku	(iii)	Yintau yomakende
(d)	Mavegadingwiro	(iv)	Kudikisa
(e)	Fandisa	(v)	Kugenyeka nompadi
(f)	Vakondi	(vi)	Yisupa
		(vii)	Kutjomonoka sisinsina

[6]

Sirugana 3

- 8 (a) Uwa musinke wa kara pokugenda munona nompadimpadi poukeke? Tumbura mauwa **gatatu**. [3]
- (b) Tumbura maudona ga kara mokudwareka vanonagona nonkaku dokusipa nompadi nedi dokuzinza nounonanona? Tumbura **gatatu**. [3]
- (c) Kupi ayi twaredere munona nsene kapi ga diva kukokava? Tumbura yininke **yivali**? [2]

[8]

[20]

RUHA B

Resa sireswa oso konhi o limburure mapuro ogo naga kwama ko.

Sireswa B**Vadimu Vayipange!**

Mwankenye yivike yitatu dira ava tumbura asi “Boeing 747” kugwa pevhu moNamibia kumwe nokudipaga varondimo vazo kumwe novasingi vazo navenye ... Amesi kuvhura mbudi ozo ku ku tjilisa kuronda ndi kugendera mondira o ze morugendo?

Mpandu asi kapisi sihorokwa sousili oso nina tumbura peguru. Nye, engungunyiko lyovantu wokusika ko 4000 kukoka makanya ano sivaro sooso kudogoroka mwankenye mvhura. Eyi kwa kulikida nye asi yikwamakanya siponga sosinene keparu lyomuntu. Kapisi nawanawa makanya gene ko ga kara nosiponga, nye yivhongo avo tumbura asi “chemicals” eyi ayi kara momusi ogo atu koko gu ze momapunga yiyo va huguvarera kusesupika eparu lyoge lyankenye ezuva, ayo hena kusesupika eparu lyomuntu pontunda zevhu nokumangerera muntu kosininke oso a dire kuvhura kuhageka. Ntani kuninkisa muntu a kare nedowo komakanya.

Mokukwama mbunga zomalikwatakano nombunga domoyirongo kuhamena uhaku (World Health Organization) noperesenta 70 dovakoki makanya kwa hara kuhageka kukoka makanya, vakoki avo vaava wonomvhura kutameka 30 yi kanduke.

Morwasinke nye nsene o lipura asi vasesugona nava harera sininke oso sa kara asi ezuva limwe ngava ka livera asi morwasinke ga si tamekera morwa kapi a kuvhura kusihageka, morwa aso kutwaredera konomfa dendi? Vasesugona kugusa ekokomakanya nonokonda edi ngava ka tara konyima meparu nokuyitambura asi kwa kere sili ugova kuyirugana. Nokonda dimwe avo tamekere kukoka yikwamakanya dodo tupu asi tayi ku ninkisa omoneke nawa nokukura, o hetakane nombunga zovakweni asi nove kuyivhura oyo, kupatanesa yimwe yosure nokupatanesa yimwe yemeparu.

Nye konyima zonomvhura norontatu di tware keguru nokonda dokuvareka kukoka makanya nare da vareke kutunda mo momuntu, nye elizuvho lyeharo lyo ku kukoka apa alyo lya kwatekerere nye nokuvhura si hena kuga hageka

Hambara konyima zoure wonomvhura wokuhakura kuhageka kukoka makanya monmudingonoko mbali zomoVenduka naSwakopo, yitundwamo va gwene yokulifana movakoki womakanya. Awo kwa koka kungungunikira nomvhura 18 nye ngesi makanya 20 ndi 40 yigo a koko muntu gumwe mezuva. Apa yipo nye muntu egano lyokuhageka ali kara mulyo mwendi morwa kwa ku mu digopera, monokonda odo asi yimaliwa tupu ayi hepa yoyinzi mezuva, kwato yomulyo a gwana mo nawa, kumuninkisa a kare ngwendi ta vere nsene kapi ana koko, kumu tumangeda a hundire muntu nampili kapi ga mu diva a mu sigire ko usekereta, kuvhura yi mu twaredere kokuvaka morwa mbanga ana kuzuvha yimo hena kupira kuvhura kurugana yirugana yendi nawa nsene kapi ana koko.

Konyima zonomvhura 30 dokukoka makanya vakoki eparu lyawo yipo nye ali ya zonauka, noperesenta dononzi dovakokimakanya yipo nye aga va gwanene mauvera gomanene ano vamwe yipo ava dogoroka morwa rutu noyilyo yaro ya roroka nye.

Dimwe donokonda ava ligusagusisa mo nado vakokimakanya asi eyi ava kokere makanya asi nsene kapi a kukoka kapi tapa kara elisigo pokatji kendi novakadona, kugusa magazaro gomanzi noyinka, kwa yi hara tupu, kumuninkisa a gazare nawa.

Nye nsene kapi oku ligusa ko kekoko lyoyikwamakanya oyo yiyo nye nayi kuhorokera meparu lyoge. Kupira mpepo zongwa morutu roge, kupira kurara nawa o pwizumuke nawa, kupira elizuvho nokumoneka uwaawa, maudigu gokupira kureta komeho, kukara magonye-gonye kosipapa ndi kulizupa nohuki momutwe.

Makanya kwato uwa wa kara mo ago kupumagura tupu rutu nokulya muntu.

(The Namibian: Friday, June 2014)

Sirugana 1

- 9 (a) Tumbura maudona aga ayi retesa po yivhongeseso eyi va tumbura moyikwamakanya? Tumbura **gavali**. [4]
- (b) Yisinke ayi ninkisa muntu nga koko yikwamakanya li kare egano lyokuhageka makanya mulyo? Tumbura **yine**. [6]
- (c) Gava ko nokonda ava gava vakoki womakanya asi yisinke ava kokere makanya? Gava nokonda **mbali**. [4]
- (d) Tumbura yininke eyi nayi vhura kuhoroka nsene o twikira kukoka makanya? Tumbura **yine**. [6]
- [20]

Sirugana 2

- 10 Ove kwa nongonona asi mokukoka yikwamakanya kwato nampili kanunu uwa wa kara mo. Tjanga nye mbilive zopasikwamo komugendesesi mbunga zomalikwatakano nombunga domoyirongo kuhamena uhaku (WHO) omu ono kugava ehundiro ehagekesopo yikwamakanya mouzuni mudima. Nkondopeka kukwama sireswa asi morwasinke ono kuuyungira ngoso?

Nonkango di sike ko-150 – 200.

[20]